

OHL Arellano encarga cu renobacion y ampliacion di Dr. Horacio Oduber Hospital ta splica:

Nos a plania y kier traha cu trahadonan di Aruba

Despues cu representante di OHL stakeholdernan di e proyecto di renobacion y ampliacion di dr. Horacio Oduber Hospital, el a splica di ta contento di por yuda den construccion di un facilidad di e magnitud aki pa pueblo di Aruba. "E ta bay ta un facilidad 'state-of-the-art', nos tin e experiencia den

e tipo di proyectonan aki y nos ta cla pa cuminsa y crea trabou tambe pa localnan den e proyecto. Nos a team-up cu varios contratistanan local pa asina mantene e mayoria di e forza laboral aki na Aruba mes, beneficiando asina e economia local di e isla." E ultimo aki tabata un exigencia di gobierno pa percursa cu mayoria di trahado local por haya oportunidad den e

proyecto mas grandi y importante di e ultimo decadanan na Aruba. E compania a establece un web-portal caminda un y tur cu kier busca trabou den e proyecto por haci esaki facilmente.

"Una bes bo log-in bo ta haya un lista di tur e trabounan disponibel, indicacionnan con pa aplica y bo por aplica online tambe," Sr. Vilar a splica y "esaki ta importante pa sub-constratistanan tambe, pasobra nan tambe por busca e tipo di trahadonan cu nan tin mester di nan for di e sistema aki. Cu e facilidad digital aki nan por drenta den contacto cu nan facilmente."

Segun e representante di OHL Arellano, e manera di traha aki ta un custumber di nan compania den tur nan proyectonan. "Nos ta haci esaki na Miami y den tur nos proyectonan na Merca pa asina esnan interesa por aplica pa trabounan cu tin disponibel den nos proyectonan online mes. Den e caso aki nosta plania y kier traha cu trahadonan di Aruba."

Sr. Vilar ta splica cu di nan parti nan un tin project-manager, project-engineer y project-accountant cu ta bay traha for di Aruba. "Tambe nos kier tin nos project-supervisornan di Aruba mes y nos a entrevista algun caba." Banda di nan tambe nan ta trece un project-supervisor specialisa y cu tin experiencia amplio den proyectonan relaciona especificamente cu salud publico. OHL Arellano tin experiencia amplio di proyectonan exitoso den mundo di salud.

Pa menciona algun ehempel na Merca por tuma trabounan cu nan a haci na Baptist Cardiac & Vascular Institute, Holy Cross Hospital Urgent Care Center, Boca Raton Regional Hospital, Marcus Neuroscience Institute, Miami Children's Hospital, South Miami Hospital, Bascom Palmer Eye Institute, Mercy Hospital Emergency Department, Mount Sinai Medical Office Building, St. Catherine's West Rehabilitation Hospital y St. Lucie Medical Center.

Proyecto di renobacion y ampliacion di dr. Horacio Oduber Hospital ta cuminsa Mei awo cu preparacionnan. Ta premira cu trabounan mes ta cuminsa rond of un poco prome cu Augustus y tin un duracion di 2 aña.